

RM1.8 juta baiki jalan Pantai Lipat

DUNGUN: Peruntukan sebanyak RM1.8 juta diluluskan kerajaan negeri untuk menyelamatkan Pantai Teluk Lipat, di sini yang terhakis dibadai ombak besar sehingga menyebabkan jalan sepanjang 100 meter di depan Sekolah Menengah Imtiaz, runtuh.

Ahli Parlimen Dungun, Datuk Matulidi Jusoh, berkata kerajaan maklum dengan masalah hakisan di beberapa kawasan negeri ini dan mengambil langkah pencegahan dengan menyalurkan peruntukan kepada Jabatan Pengairan dan Saliran (JPS) untuk membuat kerja menambak pantai.

Katanya, kerja menambak untuk menyelamatkan Pantai Teluk Lipat juta sudah dijalankan sejak tiga bulan lalu tetapi fenomena ombak besar menyebabkan kerosakan itu tidak dapat dielakkan sehingga penyelesaian jangka panjang dapat dirumus.

Matulidi berkata, kejadian ombak besar yang membadai pantai terbabit adalah kali kedua tahun ini dan yang paling besar sehingga meruntuhkan sebahagian jalan utama di tepi pantai itu.

“Kita berterima kasih kepada kerajaan negeri yang menyalurkan peruntukan segera itu demi menyelamatkan Pantai Teluk Lipat yang tersohor sebagai antara yang tercantik di negeri ini,” katanya di sini, semalam.